

Orsida Loraik Aderito Fo Posse Ba Nia Adjunto Na'in Rua

Contributed by Calisto da Costa
 Tuesday, 16 March 2010
 Last Updated Tuesday, 16 March 2010

CJITL flash,Tuir fontes konfirmadu husi Gabinete Komisaun Anti Korupsaun katak Aderito de Jesus sei fo posse ba nia adjuntu nain rua Iha Farol, Dili, Ohin 16/03.

Nia haktuir tan katak ami halo preparasaun ba cerimonia toma de posse adjuntu komisariu nian aban,tamba ne'e mak ohin dadersaan Komisariu Aderitu ba hasoru malu Prezidente da Republika interinu Fernando Lasama de Araujo atu koalia konaba cerimonia aban,hateten fontes ne'e iha nia servisu fatin Farol horseik.

“Aban (Ohin - red) cerimonia toma de posse halo iha fatin ne'e duni edifisiu KAK iha iha tuku 05 lorokraik no media hotu-hotu sei mai halo kobertura kona ba seremonia refere; Fontes ne'e haktuir.

Komisariu Komisaun Anti Korupsaun - KAK, Aderito de Jesus, Kinta semana kotuk ofisialmente fo sai naran kandidatu nain rua ne'ebe atu tu'ur iha kadeira adjuntu KAK nian.

“Hau anunsia nomeisaun Manuel Coutinho Bucar Corte Real nudar komisariu adjuntu ba prevensaun no Jose Antonio de Jesus das Neves nudar komisariu adjuntu ba Edukasaun Kompane no Peskiza; informa komisariu Aderito iha Dili.

Nia dehan nomeisaun ne'e hare'e husi sira nia esperensia no abilidade, sira sei bele fo kontribuisaun substansial ba komisaun no ninia luta hasoru korupsaun.

Eis advogadu ne'e mos dehan Bucar nudar ema akademiku respeitavel ida iha Timor Leste, nomos hala'o knar hanesan Dekanu Fakuldade Ekonomia iha Universidade Timor Leste (UNTIL) husi 2001 to'o 2006.

Iha tinan 2006, Bucar sai nudar Komisairu Nasional Eleitoral iha eleisaun chefe Suku no entre 2006 to'o 2007 nia kaer knar mos hanesan Inspektur Jeral ba Governu Timor Leste.

Nune'e mos kandidatu seluk, Jose Antonio de Jesus durante okupasaun sai nudar ativista movimentu foinsa'e nian.

No iha konsulta popular Neves hala'o servisu iha NGO Nasional no Internasional hanesan kaer kn'ar nudar jestor projeitu hasa'e kapacidade lideransa iha Dezenvolvimentu Ekonomiku ne'ebe Banku Mundial mak organiza. (Calisto/CJITL)